

目320.7

844

部-2



欽定四庫全書考證

武英殿聚珍版

卷二 經部

童溪易傳

丙子學易編

周易卦爻經傳訓解

周易要義

易翼傳

周易輯聞

周易詳解

淙山讀周易

周易傳義附錄

讀易舉要

易象義

周易附錄纂注

周易啟蒙易傳

易纂言

周易原旨

周易程朱傳義折衷

周易衍義

周易本義集成

易象圖說內篇

易象圖說外篇

學易記

易精蘊大義

易學變通

臣玉 保恭校

童溪易傳 宋王宗傳撰

原序

三十卷之易書自謂無愧三聖刊本卷之二字互倒今
改

卷一

乾九四注此文言謂其非為邪非離羣而爻謂其无咎
刊本非並訛不今改

卷三

坤彖傳注乾元之既始乎物也又有以資而育之雲行
雨施是也則坤元之於物也亦豈特生之而已哉刊

本雨訛雲今改 又牝雞之晨密雲不雨此先迷也
刊本密作西雖據小畜卦詞爲文終屬未協今改

六二注夫習而後利者有之矣然其利有限也刊本矣
訛是今改

六五注六三六五皆陰外而陽內故三曰含章五曰文
在中也刊本陽訛易缺內字據卦象改補

君子黃中適理注故其生色也暢於四支刊本生訛聲
今改

陰疑于陽必戰注及其消也闔之于已然謂陰也刊本
已訛未據邵子語改

卷五

訟九二注邑人三百戶二之居有其資比之尺地莫非
王土一民莫非王臣奚翅千萬也刊本有其資訛有
之資據下文改

卷六

小畜象傳注疾於行者莫風若也刊本者訛也今改

九三注其行也有輻如欲制之使不行非說去其輻不
可也刊本輻訛輹案輻輪輹也周禮輪輻三十以象
日月是輪中之直指者若輹則車下縛也與輻字音
同義異今據改

卷十一

賁豕傳注觀云者固非騁其智任其巧以增益遷就之也刊本騁訛聘今改

卷十二

復豕注經曰往者屈也來者信也案此係繫辭語考正義云易經文王所作傳孔子所作故司馬遷班固王肅諸家皆指繫詞爲傳今云經曰于義舛矣

无妄九五象傳注武帝嘗試是藥於匈奴矣太宗嘗試是藥于高麗矣皆无疾而致憊者也刊本缺于匈奴三字據漢書補

卷十四

恒六五注魯之男子學柳下惠而乃不學柳下惠遂爲善學柳下惠刊本柳下惠俱作下惠案柳下惠姓展名禽居柳下諡惠非姓柳名下惠也今改

卷十六

晉六二注六二以中正而獲吉者是乃受此相介之福於六五故也案介前人俱訓大此作介儼之義與諸說大異

六五注如德宗以強明自任疑蕭復之輕已謂姜公輔爲賣直至用盧杞趙贊則至于敗亂而不知悔是也

刊本脫公字據唐書增

卷十八

解豕傳注民疲而役不止難何時而可解耶刊本疲訛
瘦今改

卷十九

損九二注李大亮拒獻鷹之請倪若水反採鷓鴣之使
李德裕論罷造銀盞子之詔蘇頲不奉織半臂背子
及琵琶捍撥等詔所以益上也正得利貞弗損益之
之義刊本正得訛正德今改

六五注有卷者阿飄風自南刊本飄訛凱據詩改

益豕傳注巽順也刊本訛巽巽也今改

卷二十

姤豕傳剛遇中正天下大行也刊本遇訛柔據監本改
九五象傳有隕自天志不舍命也刊本脫志字據監本
增

卷二十二

井六四注所與處者有修治隄防之功而免敝漏之患
此六四之所以无咎也刊本脫漏字今改

卷二十三

震六五注中之爲道天地得之而覆載日月得之而照

臨維斗得之運而不窮堯舜禹得之而相授受刊本
脫運字按淮南子天文訓帝張四維運之以斗今據
增

卷二十四

歸妹六五注其君其娣各有所尚故也刊本下其字訛
之據經文改

豐彖傳注以曾孫之稼之庾則如茨如梁如京如坻矣
刊本坻訛城今改

九四注其所居者陰也而又位重陰之下刊本之訛居
今改

卷二十五

巽初六注故曰利武人之貞刊本脫之字今增

上九注魯自襄公三家分其民四世從之刊本民字下
衍其字今刪

卷二十六

中孚六四注兩服上襄刊本襄訛箱據詩改

上九注鷄之鳴也鼓其羽翰而後鳴猶詩所謂斯螽動
股莎鷄振羽是也刊本斯螽二字互倒今改

卷二十八

繫辭上易无思也注无思无爲者天也誰能有思有爲

而無于人之累乎刊本誰訛惟今改

卷三十

繫辭下易之爲書也原始要終注原始要終以爲質也
如上文所謂初率其辭而揆其方是也刊本如上文
訛而上文今改

說卦震爲萑葦刊本萑訛萑今改

雜卦姤遇也刊本姤訛遘據監本改

丙子學易編 宋李心傳撰

屯六二條乃舍上而求二刊本二訛三今改

有禽徐氏本作擒刊本擒訛禽據注疏改 又田无禽

例之刊本例訛倒今改

張平子思立賦利飛遯以保名刊本利訛則據文選改

游定夫條應地無疆刊本地訛是今改

郭京條以從禽上有何字刊本以訛而據經改

位正當條此及否兌中孚之九五刊本五訛四據經改

不可大事條是以不可大事刊本脫不字今增

言語以爲階條姚氏階作機刊本脫姚氏階三字據注

疏增

祐荀氏作侑刊本侑訛植據注疏改

第十二章條六十四字前後相連刊本四訛六據漢書

改

後漢書楊賜傳刊本賜訛錫據後漢書改

周易卦爻經傳訓解 宋蔡淵撰

卷上

乾象解物所受爲性天所賦爲命原本性命二字互訛
今改

坤六三解在下卦之上原本上訛中今改

屯卦解文從中穿地未伸原本中訛中今改

蒙六四解去剛獨遠也原本去訛取今改

大有象解使順天之美命也原本順訛馴據經文改

卷下

明夷初九解去上獨遠原本去訛所今改

萃六二解引乃吉也原本吉訛變今改
巽六四解承乘皆剛原本乘訛剛今改

周易要義

宋魏了翁撰

卷一上

諸卦有四德條或在事上言之或在事後言原本脫上
言之或在事六字據疏增

卷一下

六三爲履主條艮宮五世卦原本脫此五字據經典釋
文增

卷二上

同人足以涉難條離宮歸魂卦原本此脫五字據經典
釋文增

卷三上

出剛長入陽反條利有攸往者以陽氣方長往則小人道消也原本脫者以陽氣至消也十三字據疏增

卷四下

家人利女貞條巽宮二世卦原本脫此五字據經典釋

文增

卷五下

已日乃孚條坎宮四世卦原本脫此五字據經典釋文增

卷八

市合物取噬嗑條祝融為市宋衷云顓頊臣也案山海經祝融炎帝之後管子黃帝六相祝融辨乎南方使為司徒大戴禮顓頊生老童山海經老童生祝融帝王世紀帝嚳以人事紀官祝融為火正諸書所載祝融俱與此異

卷十

唯明文則知取舍條有應雖遠而相追睽之三上之例

原本脫此十三字據邢璣注增

爻有承乘外內條遯君子處外臨君子處內原本脫外

臨君子處五字據邢璣注增

易翼傳 宋鄭汝諧撰

上經上

履九五傳凡易言夬皆決去之義刊本決訛夬今改

上經下

謙九三傳九二爲衆陰之所歸刊本陰訛陽今改

下經上

姤九五傳至誠求賢無有不遇刊本遇訛以據程傳改

下經下

井九二傳則所汲者亦敝漏之甕也刊本脫敝漏二字

今增

周易輯聞 宋趙汝楨撰

卷一下

師六三注肆師凡師不功則助牽主車刊本凡訛若據

周禮改

卷二

蠱卦注昭元年秦和曰淫溺惑亂之所生也刊本元訛

七據左傳改

卷三

頤象辭注上下二陽為斷刊本斷訛斷今改

卷四

益六三注如鄉師闕萬民之寤阨刊本鄉師訛鄉大夫
據周禮改

卷六

旅九三注徒御驚矣宜乎危也刊本危訛免今改

周易詳解 宋李杞撰

卷一

乾卦利貞者性情也解謂性其情也案性情謂各正其
性命之情今以性其情解與經文語義不甚相符
坤卦履霜堅冰至蓋言順也解夫物以順至者必以逆
觀蓋至順之中至逆所由伏也案本義古字順慎通
用順當作慎李氏以爲至順之中卽至逆所由伏說
與朱子異亦可備一解

卷二

屯六二解雖遭回不進然有班馬之聲則有欲遁之意

矣案釋文班鄭本作般朱子曰分布不進之貌今以爲欲遁則不止於不進但六四亦言班如則無欲遁之意

需象傳解事變之來苟不能寬之以待其定而方且與之俱擾則未有不顛倒錯亂而喪其所守者矣案事變之來謂前有坎也解飲食宴樂之義較前備爲密

卷三

比九五解禽逆來向我則舍之其背而去我則射而取之案程子曰去者爲逆來者爲順言來者撫之去者不迫也李氏之解不如仍從程說于義爲長

泰六五解帝乙紂之父也而史亦謂湯爲帝乙京房載成湯嫁妹之辭案商有三帝乙以京房傳證歸妹之爲湯馮椅亦同此說

卷四

大有九四解彭與旁同謂三也案釋文彭旁同音程傳謂彭盛多之狀朱子取之今以三爲旁蓋本王弼說與程朱義異

謙初六解牧如牧羊之牧視其後者而鞭之自防之義也案莊子善養生者如牧羊然視其後者而鞭之自指養生說今乃云自防之義非莊子本義

卷五

觀象傳解疑心不生則入范氏之火而可以不焦誠慮不固則射李廣之石而不能以再中案此近于語怪不可引以解經

卷六

頤六四解夫四之所養者豈非初乎初九之剛如虎然其視眈眈求養于我而四能足其所欲使之逐逐然无不足之意案本義虎視眈眈下而專也其欲逐逐求而繼也俱指本爻今云初九之剛如虎不如本義之說爲妥後又引莊子人間世篇以解養初之道亦

非經旨

卷八

損六五解十朋之龜當以之字爲斷句案程傳云人君能虛中自損則十朋助之矣朱子則以或益之十朋之龜爲句弗克違爲句此云當以之字爲斷句似本程子

卷十

漸象傳解山之高木之生皆有漸案漸卦取象于木今以山與木分解則經文有字無著

卷十三

繫辭上傳案注疏本作繫辭上無傳字釋文云王肅本皆作繫辭上傳訖于雜卦皆有傳字案史記云易大傳漢書云韋編三絕而爲之傳則以象爻爲經以十翼爲傳亦無不可

卷十五

古者包犧氏之王天下也解八卦之作在伏犧以爲贅矣而况肯自重之乎案正義重卦之人凡四有說當從王弼伏犧作八卦卽自重之爲六十四爲得其實今云六十四卦非伏犧所重殊誤

蓋取諸夬解夬決爭訟者待書契而後決之也案書契取諸夬決不單指決訟一事故曰百官以治萬民以察李氏說似偏

淙山讀周易

宋方實孫撰

卷五

蠱六四注夫柔順之才而處正僅能循常自守而已原
本僅訛雖據程傳改

卷六

觀六三注遠則不爲童觀近則未爲觀國原本下爲字
訛必據孔傳改

卷七

復上六象注人君居上而治衆當從天下之善原本衆
訛宋據程傳改

卷八

頤六五注既以已之不足而順從於賢原本脫不字足
訛良據程傳增改

坎象注夫發政行教必使民熟于見聞原本行訛其據
程傳改

卷十

家人六二象注能順從而卑巽者也原本卑訛必據程
傳改

卷十二

姤卦注漸以盛大是女之將長壯也原本大訛矣據程

傳改

卷十三

井卦注井之為物常而不可改也原本常訛井據程傳
改

卷十五

旅九四注云我者據四而言原本四訛心據程傳改
兌六三注說不以道者也原本以訛一據程傳改

卷十六

中孚六三注謂所交孚者止應上九原本應訛與據程
傳改

既濟卦注居安思危慎終如始原本始訛此據孔疏改
又九五注二在濟下尚有進也原本下訛也據程
傳改

卷十九

說卦坎爲豕注豕處汙濕原本處訛主據孔疏改

卷二十

序卦故受之以大壯注君子道盛原本盛訛勝據王弼
注改

周易傳義附錄

宋董楷撰

卷首上

朱子筮儀貯以皂囊注半爲底半爲蓋原本上半字訛
平據筮儀改

卷首下

易圖說洛書以五奇數統四偶數原本奇訛行 又又
自含五而得十原本而訛則並據啟蒙改

卷一

乾象傳朱氏附錄白陽而至陰是漸漸消磨將去案去
下語類有故謂之化四字此脫

卷二下

蒙六三本義於經意尤親切原本切下衍實叶韻去聲
五字此係錯簡當在下文獨遠實也下今改

卷三上

比卦傳不寧而來比者原本來訛求據程傳改

小畜卦本義故其德為巽為入原本入訛水據監本改

卷三下

謙卦朱氏附錄又為君子有終之象原本脫有字據語

類增

卷四上

蠱卦傳故曰利涉大川原本脫曰字據程傳增

卷五上

復卦程氏附錄日出則潮水潤原本潮字訛在日字上

今改

卷五下

大過卦傳矯時之用小過于中者則有之原本時訛失

據程傳改

坎九五象傳朱氏附錄盈者高之義原本脫者字據語

類增

卷六

遯卦傳陰柔方長而未至于甚原本柔訛爲據程傳改

卷七上

睽九四傳唯有君則能行其志矣案君下程傳有子字
與此異

卷七下

益六二本義故其象占與六五同原本六訛九據監本
改

萃卦傳爲卦澤上於地水之聚也案爲卦下今程傳本
有兌上坤下四字此脫

卷八上

井上六傳井以上出爲功而坎口不揜原本坎訛兌據

監本改

革卦本義所革皆當而悔亡也案而下今監本有所革
之三字此脫 又九三傳革言謂當革之論案謂今

程傳本作猶

卷八下

漸九三傳離叛其羣類案叛今程傳本作判

卷九上

兌九四傳若介然守正而疾遠邪惡原本遠訛惡據程

傳改

卷九下

中孚上九傳陽性上進風體颺颺案陽性上進上程傳有翰音者音飛而實不從處信之終信終則衰忠篤內喪華美外颺故云翰音登天正亦滅矣三十五字此脫

未濟上九本義以剛明居未濟之極時將可以有爲原本將訛未據監本改

卷十上

繫辭乾道成男朱氏附錄在動物如牝牡之類原本牝訛馬據語類改

易簡而天下之理得矣朱氏附錄乾之生物如瓶盛水案盛語類作施與此異

卷十下

大衍之數五十朱氏附錄但用四十九策合同未分是象太乙也原本太訛天據啟蒙改

卷十四

雜卦咸速也恒久也本義咸速常久案今監本作咸速恒久此從宋本

需不進也本義自姤以下案今監本作自大過以下與此異

讀易舉要 宋俞琰撰

卷一

占用陰陽老少篇老陰居四而含六故四爲老陰生數
六爲老陰成數原本三陰字俱譌作陽考河圖之數
以一三五七九爲陽一四六八十爲陰洛書之數亦
同居四舍六自是老陰之數今據朱子易學啓蒙改
占用貞悔篇一貞八悔如乾夬大有大壯小畜需大畜
泰內一乾是貞外八卦爲悔案所列自乾至泰八卦
若除內卦之乾僅七卦今云八悔疑少一卦蓋其一
當指重乾亦外卦之變不與內一乾相混故云外八

卦非有脫誤

卦爻之占辭篇屯六三幾不如舍小畜上九歸妹六五
月幾望皆訓近此乃幾及之幾非幾微之幾與幾者
動之微之幾不同案王萃叟音訓幾晁氏曰子夏傳
京劉一行作近玲云訓近與晁氏之說微不有同
象占所稱篇師言丈人卽是大人大字譌而爲文字也
案王萃叟音訓引晁氏曰子夏傳作大人之說案揚
雄作丈人蓋古本原有異同非譌也

明夷六五之稱其子案今本其俱作箕陸德明釋文曰
蜀才作其今俞氏主其子之說而證以困之其妻歸
妹之其君其姊小過之其子其妣與鼎之得妾以其
子中孚之其子和之同義與程朱之說迥異

卷二

卦體上下原本無上下二字考前文已有總論卦體此
段係論卦體之上下今校補上下二字庶可前文不
相蒙混

卷三

論易數之是非篇圓者徑一而圍三故分一爲三以一
函三布滿之則七也七其七則四十九也案以一函
三布滿之則七疑謂以一及三再布滿圍三之中也

故得七數但與朱子諸說皆不同

三易篇題周當是後之史官朱漢上以爲是周公亦未可知決非文王蓋文王作易時猶服事殷詎肯題其書爲周案正義謂文王作易時題周以別于殷俞氏說與正義不同

作彖辭爻辭之人篇案正義以彖辭爲文王作爻辭爲周公作自唐以後言易者皆宗之俞氏博引衆說以爲盡出于文王蓋據鄭學亦見正義

魏伯陽叅同契云文王帝之宗循而演爻辭蓋明言文王數衍六爻之辭也案循而一本作結體則作彖辭爻辭俱括於內今作循而似止有演爻一層但俞氏或別有所據今姑仍原文

卷四

漢儒相傳之易篇王弼多取鄭立舊說爲之訓解案王應麟所輯周易鄭注弼取之甚少故李鼎祚集解序云鄭叅天象王取人事蓋各有所主今乃云弼多取立舊說或別有據今仍原文

魏晉以後唐宗以來諸家著述篇郭京撰周易舉正三卷自言得王弼韓康伯手寫真本案郭京周易舉正洪适容齋隨筆楊甲六經圖多取之朱子以爲亂道

近惠棟直以爲僞書其云得王韓手寫真本實不可
信附訂于此

顧棠字叔始吳人撰周易義類三卷序言先儒論說甚
衆而其旨未嘗或同卦爻或有所同而辭固嘗不一
案顧棠書錄解題作顧叔思而不著其名又云不知
何人未若此書所載爲詳但始字疑係思字之訛今
仍原本 又案先儒論說四句或同作不同所同作
不同辭固嘗不一辭意未嘗不一與此互異

端明殿學士永嘉戴溪蕭望自號氓隱案宗史列傳字
肖望讀詩紀原序作少望與此互異

臨江黎立武號時中撰周易說約一卷論大衍之數太
極一兩儀三四象八卦三十六總爲五十是之謂
衍案兩儀三兼太極言四象十兼兩儀言合三十六
故曰五十

易象義 宋丁易東撰

易數論上

以人事論易者若干寶晁子楊廷秀是也案干寶易無傳僅見干李鼎祚集解多引二帝三王之事晁公武易詁訓傳亦不存楊廷秀易傳有刻本三家外若李光詳說李杞詳解亦專以人事明易者今亦從永樂大典摭輯成編 又以心論易者若楊敬仲錢子是黃景元之說是也案楊簡易傳朱子謂其亂道刻本尚存錢黃二家之書久亡 又以老莊論易者若王輔嗣韓康伯程泰之之說是也案程大昌易原久無

傳本今亦從永樂大典搜輯成書約存十之七八大
昌又有易老通言 又魏伯陽作參同契空同道士
嘗取之案朱子作參同契考異題曰空同道士鄒訢
蓋自寓其名也

卷一

上經總注夏曰連山殷曰歸藏雖首艮首坤之不同然
皆止以下卦爲貞上卦爲悔故洪範但云占用二耳
至文王始以六十四卦取大衍之數案洪範曰貞曰
悔占用二孔安國注云內卦曰貞外卦曰悔項安世
曰夏商止用貞悔至文王及以變爻爲占不止用二

丁氏蓋主此說 又文王彖辭周公爻辭合各自爲
書而併爲一者蓋周公不敢自爲書特補文王所未
備耳案周公作爻辭經傳皆無明文王義亦據左傳
及經文推之參同契云文王帝之宗循而演爻辭則
爻辭亦文王作也今云周公不敢自爲書語更無本
又古之書載以竹簡以周公之爻辭合文王之彖
辭則簡冊重大故分而爲二以上下別案呂祖謙謂
經分上下始于文王蓋以十八卦對體覆體觀之均
平無差序卦亦以兩篇各起非因簡冊重大而分之
也丁氏謂以簡冊重大而分爲二則分二篇者不始

于文王矣其說似無據

用九注二十八宿起于蒼龍之角斗杓所携常先于斗故以象陽案豐卦取見沫見斗之象朱震解賁彖傳亦據日月所歷之辰今以諸爻多取象于龍故以蒼龍七宿解之雖一偏之見亦可以備一說

坤彖注先于乾則迷而失道後于乾則得所主而利也案注疏及程傳本義皆以主利爲甸丁氏蓋用集解盧氏說

六二注以地勢言之東西爲緯南北爲經直也而會于中由東而南而西而北而東方也案天道曰圓地道

曰方今以方隅言之似涉于滯

屯六二注邇說文作驢馬不進也案許慎說文所引易皆孟喜易與今費易字多不同

卷二

師彖注丈人卽大人也在五位則曰大人在二則人臣耳故曰丈人案丈人鄭注謂能以法度長于人丁氏謂在二爲人臣故曰大人然以乾卦二五俱稱大人例之似未確

小畜九三注輻陸氏釋文曰本亦作輓子夏虞翻同項氏曰輻无說理輿下之輓乃有說時案胡炳文云大

畜九二說輟剛而得中自止而不進也小畜九三說輟剛而不中止于陰而不得進也據此則二卦各有取義不必因他本而疑經文

卷三

大有九四注彭讀爲旁盛滿貌詩四牡彭彭是也離爲大腹旁也案彭之讀爲旁聲之轉也則離爲大腹旁也之旁仍宜作彭

觀六四注六四巽也動則爲乾乾王也乾西北之卦賓位古者坐賓于西北賓于王也案坐賓于西北乃鄉飲酒之禮諸侯之禮也天子賓賢之禮席位不見於經此云賓于王也微涉牽合

卷四

賁六二注須賤妾之稱天文須女是也案須傳義俱從隨頤而動之義惟音訓載晁氏曰須與歸妹六三同今文作孀賤妾也丁氏蓋用其說

復六三注頤卽瀕水涯也爻變坎爲水又在下卦之上瀕乎上卦故曰瀕復案釋文頤又作頤頤眉也音訓載晁氏曰今文作鬣程朱皆取屢復之義此以瀕爲瀕亦可以備一說

咸九五注或曰脢在口下心上卽喉中之梅核案脢音

訓載晁氏曰子夏鄭虔許王皆以爲夾脊肉獨王弼
心之上口之下其說未知所出今以爲梅核更涉附
會

卷六

損初九注以象變言之四動爲坎樽酒也艮手舉之有
斟酌之象案林栗曰酌取水也損澤以滋山故有酌
損象此云四動爲坎樽酒也不如取兌爲象近

六四注初與四相應者也二實間焉爲初之疾者也四
能應初則損初疾案傳義皆爲損六四陰柔之疾丁
氏謂損初疾與程朱義異

夬九五注菟薺澤草也商陸亦澤草也案菟陸宋衷荀
爽皆以爲二物惟程子以爲一物今馬齒菟是也宋
子從之丁氏益用宋荀之說

卷七

漸上九注或曰叶韻當作逵案程傳云安定胡公以陸
爲逵朱子謂以韻讀之良是然古讀儀如俄不與逵
叶叶韻之說非是

歸妹六三注三不正而无應須待之女也天官須女四
星賤妾之稱案須待也程傳從之須者賤女之稱本
義取之丁氏既云須待之女猶引須女星名蓋融二

說而爲一也

卷九

屯象傳注此書以象爲主間可通之于義者亦不敢遺但別作或曰列之于後案丁氏此書多推行漢魏諸家之說卽象傳象傳亦多就象生義此又兼取程朱調劑漢宋實持平之論

謙象傳注九三卦主爻剛位柔也案九三爻位皆陽今云爻剛位柔疑原本有誤

復象傳注剛反而動謂一陽復而爲震也案剛反爲句動而以順行爲句丁氏此解則以剛反動爲句與本義異以象傳句法例之不如從本義于義爲長

卷十一

屯象傳注夫子大象間或因互體伏體變體取焉如此卦震坎而以卦變巽繩言經綸之類是也案以巽爲繩故取象于經綸亦非本義

大過象傳注大過游魂卦也出于世卦之外案遊魂世卦皆本京房易傳此書諸卦皆不言世獨此卦引之坎象傳注在德不在險故常德行設險以守國故習教事案常德行習教事取坎中實而洊至之義丁氏之說皆非本義

卷十二

益六三象傳注用事以振凶荒固有孚于民之理也案凶事所包甚廣今單指振凶荒一事似狹

艮六五象傳注六五以中正于韻方叶蓋中五猶適中也以六居五中也非正也案本義云正字羨文叶韻可見丁氏之說不如從朱子于義爲長

卷十四

繫辭傳上易曰自天祐之吉无不利案諸本謙九三節下卽接乾上九節文與文言傳同丁氏以爲衍文刪去而移大有上九一節于致恭以存其位之下今仍

之

卷十五

繫辭傳下蓋取諸噬嗑注噬與市同音嗑與合同音案以噬嗑取市合二字之音同殊非本義

子曰君子安其身而後動注上繫敘七爻者明天用七也下繫敘十一爻者明地用十一也案此張行成之說亦涉附會

易之興也其于中古乎注張文饒曰上經履當十謙當十五復當二十四總四十九天地之數五十五之中去一二三之真數以爲地之用也下經恒當二損當

十一益當十二困當十七并當十八巽當二十七總
八十七數則九九之外得天之六以爲用也案孔子
明言作易者有憂患而三陳九卦以示人今必附以
天地之數于聖人立言之旨少遠

卷十六

說卦傳爲駁馬注駁者色之雜冬陰之盛陽爲陰所雜
也案注疏引爾雅駁馬鋸牙食虎豹取其至健丁氏
謂駁者色之雜與注疏義異

序卦傳注王昭素本此下云麗必有所感故受之以咸
咸者感也案丁氏取王氏說以爲此二句不宜刪然
諸本皆無之故附注于上篇之末以存其舊

雜卦傳大過顛也頤養正也旣濟定也未濟男之窮也
歸妹女之終也漸女歸待男行也姤遇也柔遇剛也
夬決也剛決柔也君子道長小人道憂也注大過顛
也以下舊卦不反對今依蔡氏本爲定案大過顛也
以下不用注疏次序今仍之

周易附錄纂注 元胡一桂撰

卷二

晉六二附錄大司樂乃奏夷則刊本奏訛舞據周禮改
鼎六五注五子象爲耳而有中德刊本中訛剛據本義
改

卷七

繫辭二篇之策萬有一千五百二十注合之得此數刊
本此訛其據本義改

周易啟蒙翼傳元胡一桂撰

上篇

六十四卦次序圖說餘乾坤坎離皆其遇也刊本遇訛
過據上文改

漢許慎周易說文服牛乘馬爲犗牛乘馬刊本犗訛犗
據說文改

唐李鼎祚集解何晏宋衷刊本宋訛宗據李鼎祚集解
改

下篇

晉獻公筮嫁伯姬于秦案語二十四年正月秦穆公納

公子重耳刊本正訛九據左傳改

晉蔡墨對魏獻子曰人實不知非龍實知刊本龍訛人據左傳改

易纂言

元吳澄撰

卷五

象上傳山下有風注氣之行在山腹之內原本腹訛曉案蒙卦注水白山腹流出今據改

周易原旨 元寶巴撰

卷一

小畜自我西郊注當時文王宅西土自言我西土之民
案程傳謂據四而言故云自我解與此異

卷二

否之匪人注小人也案注疏謂非人道交通之時故曰
匪人程傳解亦同又朱子本義謂之匪人三字衍文
並與此異

隨上六王用亨于西山注文王卜祭西山則吉案程傳
作太王享王業於岐山與此異

卷三

賁六二賁其須注須卽此需待也案注疏須之爲物上
附程傳須隨頤而動解並與此異

周易程朱傳義折衷 元趙采撰

卷八

同人六二折衷坤爲吝嗇故曰吝原本缺吝嗇二字據
說卦傳補

九三折衷內卦離二爲戈兵原本缺內卦離二四字

又震巽草木爲莽原本缺木爲莽三字並據說卦傳
補

卷九

豫豕程傳頤大過解革言時原本脫過解革言四字據
程傳增

卷十

蠱彖程傳治蠱之道如卦之才則元亨而天下治矣夫
治亂者苟能使尊卑上下之義正原本脫治矣至上
下十三字據程傳增

六四折衷或謂申生曰原本缺或字據史記補

卷十一

觀盥而不薦程傳薦謂獻腥獻熟之時也原本脫此句
據程傳增

卷十二

噬嗑九四程傳剛明則傷于果故戒以知難居柔則守

不固故戒以堅貞原本脫知難至戒以十一字據程
傳增

卷十三

復亨本義乃天運之自然原本脫此句據本義增

周易衍義

元胡震撰

卷四

同人六二男有分女有歸原本男訛身據禮運改

卷六

剝六五魯昭公誅意如之強僭原本意如訛如感據左

傳改

卷七

大過九五唐文宗欲除宦寺原本文訛太據唐書改

卷八

恒卦咸以少男下少女原本脫下少字今增

卷十

損六四使齊宣王戴盈之速損其疾原本齊宣訛梁惠
據上文改

卷十一

姤九三江東已為吳所得吳不可圖而可以為援原本
脫二吳字據三國志增

卷十三

巽六四天子諸侯無事則歲三田原本侯訛臣據禮記
改

卷十四

小過卦東晉之伐燕秦原本脫燕秦二字據晉書增

卷十五

繫辭上大衍之數五十右三奇為老陽者凡十有二原
本陽訛少據筮儀改

卷十六

雜卦臨觀之義觀者四陰二陽原本四二二字互訛今
改

周易本義集成

元熊良輔撰

卷一

坤卦集疏守得這柔順堅確案堅確上董真卿周易會
通有亦自二字 又大概是陰減陽一半案減會通
作為

大有卦集疏居尊能柔物皆聽與案物皆聽與會通作
物之所與與此異

蠱六四集疏強以立事為幹刊本強訛發據會通改
又止而怠柔而懦案而會通並作者

噬嗑九四集疏以爻言則居近卦之位案會通作以一

交言之則居人臣之位與此異

卷二

革九五集疏是就事上變是就身上變案上上變下語類有君子豹變四字

艮卦集疏所以豕傳先說止其所也案此句下語類有上下敵應不相與也八字

未濟上九集疏五爲濟主二四助之刊本二訛三會通本亦作三案通卦爻義五爲主二爲應四爲承二四皆陽爻故五得其助若六三陰柔不中不正與上九爲應不能助五也諸本俱係傳刻之訛今據改

卷三

豕上傳蒙以養正聖功也集疏蒙昧之時先自養教正當了刊本先訛是據會通改

卷六

豕下傳雖凶居吉順不害也集疏質柔應正案會通作質柔而上應與此異 又象復明之云惟順理則不害也刊本云訛也據會通改 又云下會通有非戒之不得相感七字

卷七

繫辭上傳夫易廣矣大矣集疏未動底須此道理都是

真實案底須二字會通作時便都有四字

卷八

繫辭下傳吉凶者貞勝者也集疏三者情意不可不察
案意會通作異

精義入神以致用也集疏事豫吾內求利吾外刊本上
吾字訛乎求訛不並據語類改 又案事豫吾內上
語類有精義入神四字

卷十二

雜卦傳蠱則飾也案飾別本作飭此從王肅本

易象圖說內篇

元張理撰

卷上

洛書縱橫十五之象條禹治洪水錫洛書原本錫訛賜
據周易折中改

卷下

考變占條穆姜往東宮筮遇艮之八原本脫筮字據左
傳及朱子啟蒙增

易象圖說外篇 元張理撰

卷下

地方萬里建封之圖條凡起徒役無過家一人原本脫
一字據周禮增

學易記 元李簡撰

圖說

河圖洛書案古今傳記自孔安國劉向班固關子明邵康節皆以十爲河圖九爲洛書惟劉牧以九爲河圖十爲洛書托言出于希夷朱子本義啟蒙仍復諸儒之舊此蓋從劉牧之說

先天則河圖案朱子本義卦圖自內向外此諸本圖卦皆內向與本義異

綱領

天象者出意者也條一矢其原巧喻彌甚刊本喻訛愈

據周易折中改

伊川曰易變易也條故善學者求言必自近刊本必訛以據程傳序改

卷一

乾九三重剛而不中記位非二五故不中刊本五訛位據周易折中改

屯九五記唯其施爲有所不行刊本其訛有據程傳改

卷二

隨九四記得天下之心危疑之道也刊本得訛而據程傳改

卷三

復亨出入无疾記復亨旣復則亨也刊本脫下復字據程傳增

頤象記或云義或云用或云時刊本義訛養據周易折中改

卷四上

恒九二記是其處與動皆得中也刊本與訛於據程傳改

明夷六二記拯用壯健之馬則獲免之速而吉也刊本脫免字據程傳增

卷四下

解九二記其明易蔽刊本易訛益據周易折中改

卷六

旅初六記亦以陰柔在旅之時刊本旅訛於據程傳改

卷七

繫辭上大衍之數五十記又以四揲右手之策而再歸

其餘數于左手第三指間刊本三訛四據啟蒙改

卷九

序卦物不可終窮也記物窮而不變則无不已之理刊

本无訛物據程傳改

易精蘊大義 元解蒙撰

卷一

乾彖注元亨利貞在占辭雖為兩義然細分之則有四

非惟夫子析為四文王亦析為四矣案元亨利貞之

分為四向來多專屬孔子此云文王亦分為四足訂

諸說之訛

卷四

復六二注六二可謂善學顏子者雖未至初之元吉亦

足為吉矣案大傳以復之初爻許顏子謂顏子能體

初九之象也此云六二可謂善學顏子者然六二象

也非人也原本或有脫訛今仍其舊

卷五

明夷六四注蒙謂邪臣之事暗君也必先有以得乎君之心而後有以行乎已之志案此爻前引劉彌邵之說以微子之事當之乃又云邪臣之事暗君則用程子四以柔邪順從之說未免抵牾

卷六

益彖傳注考之益之一卦不及一損字而損之一卦屢言及益案益之一卦不及損損之一卦屢言益卽此見損出于聖人之不得已較諸儒損下爲損損上爲

益之說義更精

卷七

井初六注井貴出故收則食幕則不食案幕原本作泮但泮而不食非井之咎據上六爻辭自當作幕今改

卷八

既濟上六注關氏易以既濟終焉與今易不同案關朗易前儒多以爲僞書

卷九

大衍之數五十注以周子之說考之五十去一者无極是已四十有九而掛一者太極是已案周子太極圖

說明易之大旨而不及大衍之數今以大衍之數解之非圖說本義不過藉以明大衍之義耳

卷十

於稽其類其衰世之意耶注其所以反覆丁寧者蓋爲衰世易道不明之故也案衰世之意謂世衰而變故多故假易象以示人此云爲衰世易道不明之故似非經義

卷十一

坤以藏之注坤以藏之則言萬物之所歸案先儒有以此節爲殷之歸藏易者或夫子述其說以示人也成言乎艮注艮陽止陰終始萬物此流行之陰陽也案先儒有以此節爲夏之連山易而夫子述之者亦有所見

卷十二

序卦傳注此可見義理无窮隨觸而會非聖人理明義精安能到此案前儒多疑序卦或以爲不出于孔子此云非聖人不到蓋駁諸說

易學變通

元曾貫撰

卷一

乾卦然則大明終始何以爲聖人之元乎案大明終始
注以爲大明乎終始之道程傳又以爲大明乾道之
終始曾氏以爲聖人之元蓋用朱子說考李氏集解
載侯果說大明日也天之用莫大于日仍切天道說
較諸儒爲安

坤卦故乾主君道坤主臣道則六三王事其九五大
人之事乎案六三王事以爲九五大人之事坤承乾故
也較注說更爲明晰

卷二

小畜卦小畜密雲不雨與小過同雲本坎之象然山澤通氣亦爲雲故此二卦皆有互兌之體案兌爲澤說卦無雲象惟參同契曰山澤氣相蒸兮興雲而爲雨禹貢有川必有澤職方亦曰其川其浸其澤古者於山下之泉必使之蓄而爲澤澤之氣通於山此雨暘之所以時若而無旱乾水溢之災也曾氏以互兌爲雲取象至精

卷三

觀卦九五以陽剛中實之孚而異乎艮之門闕宗廟之事也案鄭康成解此卦云艮爲鬼門又爲宮闕天子宗廟之象曾氏以爲異乎艮之門闕蓋本康成說兼取互體 又九五以位爲觀則我者其之主上九以德爲觀則其者我之賓案虞翻解云生謂坤生民也與象傳觀民義合君子絕句觀民必皆變爲君子而後可以无咎也五爲卦主故曰我生上居卦外故曰其生我者其之主其者我之賓語過巧而于經義尙未合

卷四

恒卦恒之六爻无有能盡恒之道何也曰不特恒也雖

咸亦然盡咸之道者惟聖人感人心而和平乃爲咸
之正盡恒之道者惟聖人久于其道而天下化成乃
爲恒之至案此義前儒皆未之及

卷五

井卦井之濟人尤莫盛于夏故九五之寒泉指夏月之
寒泉也案虞翻解周七月夏之五月陰象在下惠棟
曰參同契姤始紀序履霜最先井底寒泉井五月卦
故云曾氏此說蓋兼用虞義

卷六

豐卦互巽爲風兌澤爲雨是當晝之時雷電皆至風雨
交作安得無見星斗之理乎案虞翻解豐之三四云
上之三日八坎雲下故見沫見斗曾氏以互巽互兌
爲風雨較虞義更爲直截

欽定四庫全書考證

武英殿聚珍版

卷三 經部

周易爻變易蘊

周易大全

易經蒙引

易經存疑

易象鈔

讀易紀聞

葉八白易傳

易義古象通

周易像象述

易用

兒易內儀以

兒易外儀

日講易經解義

御纂周易折中

易酌

田間易學

周易尋門餘論

易韻

易小帖

周易玩辭集解

周易函書約存

周易函書約注

周易函書別集

周易孔義集說

周易洗心

周易述

大義擇言

易箋

周易辨畫

周易章句證

臣吳敬恭校

周易爻變易蘊 元陳應溥撰

卷三

比六三比之匪人漢唐以來多有依比闖宦而得倖者
如荀緄娶宦官唐衡之女原本脫緄字據三國志荀
或傳注增

卷三

泰六五帝乙歸妹昔晉許邁造郭璞爲之筮得此爻原
本許訛辭據晉書改

卷四

頤六四顛頤吉如高允爲魏中書采薪以給原本爲訛

如據魏書改

卷五

明夷象曰刊本象訛傳今改

卷六

困象困而不失其所亨如顏淵之簞瓢陋巷原憲之桑
樞蓬戶刊本樞訛福今改

卷七

漸六二飲食衎衎何曾曰食萬錢刊本曾訛惜據晉書
改

卷八

小過九四往厲必戒獨南州徐穉守此謙德刊本徐訛
王據後漢書改

既濟初九曳其輪濡其尾楚法得子胥賜粟五萬石原
本法訛江據史記改

周易大全·明胡廣等

卷一

乾初九爻詞本義注節齋蔡氏刊本節訛蔡今改

卷二

坤六二象辭程傳注雙湖胡氏刊本湖訛峯今改

卷三

訟有孚窒注窒張栗反刊本反訛文今改

卷四

比九五爻辭程傳來者撫之固不煦煦注煦煦一作响响刊本作訛一今改

卷十

无妄九四爻辭本義注剛而不中僅可堅守其剛貞而勿動爾刊本守訛失今改

卷十一

大過之時大矣哉本義注湯武亦只是守臣節刊本臣訛成今改

卷十四

睽九二象辭程傳巷非邪僻曲徑也刊本曲訛由據程傳改

卷十七

革水火相息本義注相息為革刊本息革二字互訛今改

卷十八

震卦詞震驚百里程傳能安而不自失者唯誠敬而已刊本失訛守據程傳改

卷十九

漸九三爻辭程傳注无應則无適而相求刊本適訛應今改

歸妹上六爻詞程傳女當承事筐篚而充實刊本充訛无據程傳改

旅山上有火木義注慎象山之靜止刊本止訛動今改
卷二十三

繫辭下傳右第二章本義注聖人以定大業斷大疑悉
於書契乎刊本悉訛息今改

易曰介于石本義注上交謂五下交謂初刊本五訛正
今改

卷二十四

萬物出乎震本義注水木之交有艮土焉刊本木訛土
今改

易經蒙引 明蔡清撰

卷一上

卦有交易變易之義解則九者變為八六者變為七刊
本七八二字互訛據啟蒙改

上九亢龍有悔解故本爻著箇悔字刊本悔訛動據爻
詞改

保合太和解保合者全於已生之後刊本全訛合已訛
有據本義改

卷一中

夫大人者與天地合其德解事見舊唐書回紇傳刊本

欽定四庫全書
事訛可舊訛同據舊唐書改

卷一下

方其義也解敬義夾持非只內外相倚刊本義訛大
又然乾之進修非坤之敬義則無以爲之具也刊本
進訛敬今改

卷二上

屯卦坎一陽陷於二陰之間解兌一陰見於二陽之上
刊本陽訛陰今改

需上六入于穴解初去險雖遠刊本去訛出今改

卷二中

訟九四解惟二以敵之強故兼取其勢之不敵也刊本
二訛四今改

卷三上

蠱卦先甲三日解甲日之始事之端也刊本脫日字據
本義增

卷三下

噬嗑九四噬乾肺解雖所噬愈堅亦能噬也刊本脫愈
堅二字據本義增

卷五上

遯卦小利貞浸而長也解謝安是乘桓温之老病刊本

桓溫訛王敦據通鑑改

卷六下

夬九三解與庾亮畫計討之刊本脫亮字據通鑑增

卷七下

震六三解當震時而居不中正刊本中訛正今改

卷八上

旅卦君子以明慎用刑解明如火慎如山刊本山訛出

今改

卷九上

繫辭上傳乾以易知解便能始物而無所難刊本始訛

成據本義改

剛柔相推而生變化解所謂繫辭焉而命之動在其中

刊本命動二字互訛據經文改

欽定四庫全書
易經存疑
明林希元撰

卷七

震卦六二解項羽攻破關兵至霸上刊本霸訛壩今改

卷十

繫辭河出圖解劉向刊本向訛可據漢書改

卷十

其稱名也雜而不越解姤之羸豕則取陰進之象刊本
姤訛剝據姤卦改

易象鈔

明胡居仁撰

卷三

自姤至剝逆序條復至夬皆乾用事不必夬終而復爲
乾原本乾訛事據易義改

卷六

易用九六條陽主進九陽進之極數原本進訛避據易
義改

卷十一

漸卦夫道專在乾條是單以巽順明婦義原本婦訛夫
今改

卷十四

四月純陽條十月純陰而曰陽生原本生訛止據朱子
本義改

讀易紀聞

明張獻翼撰

卷一

乾卦釋爻辭之文言惟乾坤二卦爲詳刊本脫言字據
朱子本義改

卷四

旅卦上過乎中故焚巢刊本上訛六據朱子本義改

葉八白易傳 明葉山撰

卷一

乾九二傳其亦夫有奮心將旌君以徇於國原本夫有
二字互倒旌訛徵據左傳改

屯上六傳館於興德宮原本興德二字互倒據唐書改
蒙六三傳安得後魏兒氏者而取之乎原本後魏二字
互倒今改又案魏書列女傳兒字作兒先氏此據北
史改

卷二

需初九傳秦穆公聽杞子之言原本秦訛鄭據左傳改

比六三傳荀彘怪而問之原本彘說燦 又何平叔言
遠而情近好辨而無誠原本誠說情並據三國志注
改

卷三

小畜九五傳元逵仲武皆具彘鞅郊迎原本逵說進據
唐書改

履卦傳割國之疆垂以賂之則割定而欲無厭原本疆
垂說強乘今改又案荀子富國篇疆垂作鎡銖此雜
用韓詩外傳 又唐鎮南節度使鍾傳圍撫州原本
鎮訛河據五代史改 又子太叔對趙簡子揖讓問

旋之間原本子訛吳對訛封並據左傳改

六三傳大旅具矣不足以饗帝原本具矣訛之具據禮
記改

九五傳范獻子不知問諱原本范訛孟據國語改

泰卦傳侵欲宗侈不可得厭原本侈訛恥據左傳改

否初六傳晝隨灰而月暈闕原本灰訛風據淮南子改

又遣判官石戩說之原本戩訛晉據唐書改

六二傳劉鄩附於韋路原本路訛賂據唐書改

九五傳齊桓欲服楚而楚人來估原本估訛帖據公羊
傳改 又會下而家法虧原本下訛汴據左傳改

又魏武才得荊州而張松見忽原本松訛崧據漢晉
春秋改

卷四

同人九五傳不須昭等然後解也原本須訛復據吳書
改 又齊晏子有言人有市酒而甚美者原本晏子
訛景公據晏子春秋改又按此事亦載韓非子語稍
異 又安重誨欲陷李從珂原本珂訛琦據五代史
改

大有六五傳交質子不及二霸案二荀子大畧篇作五
此用穀梁傳

謙六五傳乃對功臣舉手云原本對訛封據五代史改
又若韓信不顧酈生而破田廣原本廣訛榮據史
記改 又望遣使督其進兵原本兵訛名 又乃遣
京兆少尹劉潼招諭之原本脫少字並據通鑑改增
上六傳晉景公以笑辱之故而暴行於齊原本景訛厲
據左傳改

豫六二傳天見其明也地見其光也原本地訛人據荀
子改

卷五

隨六二傳羿用寒浞則棄武羅伯因熊髡龍圍原本因

詭困龙詭匱並據左傳改

九五傳辨慕輿根之詐原本慕下衍容字據晉書刪

又蕭復言鳳翔必亂原本翔訛陽據唐書改

上六傳夫不肖人也烏能與國士并衣哉原本并訛之
據水經注改

蠱初六傳史弘肇之子德琬頗讀書原本琬訛琬據舊
五代史改

九三傳昔者唐宣宗初立時君臣務反會昌之政原本
宣訛獻據唐書改 又相因則事成無漸則民病原
本無訛有據宋史改

六四傳緯召三院御史原本御訛諸據唐書改

臨六五傳遂陰與趙計得其堂陽原本堂陽二字互倒
據樊川集改

卷六

復卦傳宋之神宗誤用安石原本神訛哲據宋史改

六四傳司馬牛在桓魋子頽子車之列而獨從孔子原
本頽訛頽據左傳改

卷七

无妄卦傳申生之雉經原本雉經訛履霜據楚詞天問
改

初九傳魏主元子攸以城陽王元徽總統內外原本主
訛王攸訛悠城陽二字互倒並據魏書改

大畜卦傳敬宗以前日廷爭拜劉栖楚諫議大夫原本
爭訛事 又若許孟容之封還詔書原本許訛謂

又唐代宗以鄙嗇矜其臣而楊綰則示之以冲淡樸
素原本綰訛素並據唐書改

頤六二傳徇之以德義則劉立德所至而破家相容案
破家相容見後漢書黨錮傳此誤用

大過九三傳天爲剛德猶不干時原本爲德二字互訛
據左傳改

卷八

離卦傳師經之以琴撞原本經訛鍾據說苑改又案經
韓非子淮南子並作曠

恒初六昔者宋寧宗語朱子于人曰原本寧訛光據朱
子年譜改

六五傳唐山南西道節度使于頔原本脫南字 又有
據漢南之志原本漢南二字互倒並據唐書增改

卷九

大壯九三傳斯陽父灌夫之徒原本夫訛嬰據史記改
又符堅遣楊安寇梓潼原本寇訛進潼訛潼並據

晉書改

晉卦傳伶人陳俊儲德源以周匝一言與之原本匝訛
匪據五代史改 又與張蚝徐成等躍馬運矛原本
成訛來據晉書改

明夷卦傳濁世不可以富貴也原本貴下衍樂字據文
選刪

卷十

家人九三傳孫盛年老家居性方嚴有軌度原本性訛
惟據晉書改

睽初九傳復封于唐斯榮足矣原本封訛附據舊唐書

改

蹇六二傳惟涼州義衆于人原本涼訛梁據晉書改

解六三傳唐王鐸厚於奉養徙義昌節度使原本昌訛
方 又樂彥貞之子從訓原本從訛崇並據唐書改

上六傳周紆爲洛陽令下車先問大姓主名原本紆訛
舒又脫主字並據後漢改增

卷十一

損卦傳故足寒傷心民怨傷國原本怨訛寒今改

六四傳楚莊王始以偷竊之計給陳原本莊訛成據史
記改

上九傳吐番久居原蘭之間原本蘭訛瀾據舊唐書改
又下令有願留者卽以開田爲永業原本脫令字
據通鑑增 又郭汭爲荆南留後原本汭訛禹 又
獨華州刺史韓建招撫流散原本建訛廷並據五代
史改 又不亦淺之乎其爲丈夫已乎原本脫文字
據左傳增

益六四傳頃襄王之遷於陳原本陳訛秦據志林改

九五傳情之所欲不以禁人原本脫以字據漢書增

上九傳唐李罕之據河陽原本脫李字據唐書增 又

夜襲河陽黎明入之原本脫明字據五代史增

夬卦傳人衆虎寡虎爲人勝常安民所以勸呂公著也

原本寡訛衆又脫公字並據宋史改增

九三傳段紀明助闔尹而害忠烈原本段紀訛路絕據
後漢書改

卷十二

萃初六傳兩虎之鬪獸不容蹄原本蹄訛歸據東萊博
議改 又若劉牢之者則去呂布無異矣原本牢訛
穆據晉書本傳改

升上六傳伊尹曰臣罔以寵利居成功原本伊尹訛周
公今改

卷十二

革卦傳宋神宗泥古而更今原本神訛顯據宋史改
九五傳志與心變神與形化原本與形訛形俱據淮南
子改

鼎初六傳得時則蟻行原本蟻訛義據莊子改

六五傳非徒愈病而又壽民原本民訛命據宋史改
震上六傳晉楚爭盟原本脫晉字據左傳增

卷十四

漸卦傳如王猛之從苻堅原本脫猛之二字據晉書增
六四傳故紀滔子爲王養鬪雞原本紀訛已據莊子改

豐初九傳有千金之璧而無錙錘之璲諸原本錘訛鍾
璲訛鑿據淮南子改

六五傳當其與鄖師相距于蒲騷原本鄖訛鄭相訛伯
並據左傳改

卷十五

巽卦傳魏孝武之依宇文泰原本武訛文據北史改
上九傳顛謂祥曰相王尊重原本王訛公據晉書改
上兌六傳楊畏之舉蔡京是也原本楊訛蔡京訛依據
東都事畧改

節九二傳知長幼而昧君臣矣原本脫臣字今增

六三傳王戎身位三公原本戎訛崇據晉書改

卷十六

中孚卦傳太守李矩未暇爲備原本暇訛行據晉書改
小過六五傳其必令尹之子是與原本是下行若字據
左傳刪

既濟九三傳昔景進等請誅故蜀主王衍族黨原本景
訛吳 又蘇逢吉改二十爲五十字原本蘓訛薛並
據五代史改

易義古象通

明魏濬撰

卷二

蒙六二注三動則成巽原本巽訛兌今改

卷三

隨上六注上體兌西方之卦原本方訛山今改

卷六

損初九注犯天下不韙而損其名原本韙訛諱今改

卷七

革九三注二巳日至三巳經三番籌畫原本畫訛害

今改

周易像象述

明吳桂森撰

卷一

乾九二條注然內外總一體原本外訛卦今改

卷二

訟上九條注男鬻革原本革訛帶據禮記改

比六三條注陰柔不中正承乘應皆陰原本脫承字據
朱子本義增

卷四

大畜九三條注輟名伏兔案免陸德明釋文作菟

卷七

歸妹初九條注僅能承助其君而已原本脫承字據朱
子本義增

卷八

中字六四條注而上以信於五故爲馬匹亡原本於訛
與據朱子本義改

易用 明陳祖念撰

卷一

同人卦解六二之宗五也刊本六訛九據經改
謙卦解九三爲艮之主刊本艮訛震據卦改 又謙爲
心德豈聲音笑貌爲之乎刊本脫爲字今增

卷二

觀卦解上九身在事外刊本九訛六據經改

卷五

健順章吉事必有禳祥刊本禳訛機今改

兒易內儀以 明倪元璐撰

卷四

晉卦解龍旂陽陽刊本陽陽訛央央據周頌改

見易外儀 明倪元璐撰

卷七

易倚圖之一倚分注畫始陽動爻各一刊本一訛三據
下參圖改 又奇爻二偶爻一刊本一訛二據下兩
圖改

卷十

先王遺我大寶龜案先王周書作寧王

卷十一

周禮漢斛刊本黼訛黼今改

日講易經解義

卷三

小畜上九解義其力足以制陽而陽亦受制於陰刊本
下制字訛利今改

卷四

大有六五解義此足以見帝王之所尚矣刊本足訛是
今改

卷六

賁初九解義蓋在下之剛以安於在下爲義刊本安訛
貴今改

卷十一

鼎九三解義然能以正自守則五終必求於三刊本五
訛吾今改

卷十二

艮初六解義蓋當止之地刊本止訛趾今改

御纂周易折中

引用姓氏

錢一本國端案端此書及明史錢一本傳俱作瑞考鄒
元標南臯集孫慎行元晏齊集吳亮止園集黃宗羲
明儒學案並作國端與一本之名文義符合且國瑞
係明太祖表字臣子不應同之今改

卷一

乾元亨利貞本義而於八卦之上各加八卦刊本於訛
爲據本義改

初九潛龍勿用集說陰不得兼陽故其數六刊本脫故

字據正義增

卷二

同人于野集說與人同者物必歸焉刊本焉訛之據序
卦傳改

卷三

蠱元亨利涉大川本義然更當致其丁寧之意刊本更
訛便據本義改

觀盥而不薦本義有以示人而爲人所仰也案今本義
示人上有中正二字蓋仍俗本之訛 又頤然尊嚴
之貌案嚴本義作敬與此異然敬字宋人所避自當

以此爲正

卷四

坎六四樽酒簋二集說蘋蘩蕝藻之菜刊本蘊訛蘊據
左傳改

卷五

遯九四好遯本義有所好而能絕之以遯之象也刊本
所訛情據本義改

卷六

夬九五莫陸夬夬集說陸者章陸刊本章訛草據語類
改

困九五剝則本義下既傷則赤絨无所用案今本義下
字上有上字蓋仍俗本之訛

卷七

良六四良其身程傳施於政則有咎矣刊本於訛有據
程傳改

漸上九鴻漸于逵程傳安定胡公以陸爲逵案晁公武
曰證陸簡漸上九疑陸字誤胡翼之取之則其說不
自胡氏始也

卷八

既濟六二婦喪其茀程傳以唐太宗之用賢刊本賢訛

言據程傳改

卷九

剝彖傳剝剝也集說必萋萋浸潤以侵蝕之刊本萋訛
菲據詩經改

卷十二

漸象傳山上有木本義或善下有脫字案經典釋文善
俗王肅本作善風俗易舉正漸象注曰風俗以止異
乃善今本正文脫風字

中孚象傳澤上有風案語竅穴爲之吹吁案吹噓之噓
此從王充論衡作吁

卷十四

繫辭上傳易无思也本義此四者之體所以立而用所以行者也案今本義四者下有易字蓋仍俗本之訛

卷十五

繫辭下傳繫于苞桑刊本苞訛包據經文改

卷十六

文言傳九二曰見龍在田本義閑邪存其誠無斁亦保之意刊本斁訛射據詩經改

易酌 神州刁包撰

卷一

初九曰潛龍勿用何謂也注傳以初九爲聖賢之在側陋刊本脫初字據程傳增

卷四

豫大象注王者治定功成則有樂刊本脫治定功三字複衍則有樂三字據禮記注增刪

卷六

遯九五注李鄴侯之白衣宰相刊本侯訛公據唐書改

卷七

夫彖注有煦姬平中之德刊本姬訛媮據禮記改

卷八

鼎彖注大饗尙服脩而已矣刊本服訛脯據禮記改

卷十一

繫辭上傳同人先號咷而後笑注司馬光韓縝二公刊

本續訛鎮據宋史改

卷十一

繫辭下傳古之葬者注无窆兆之儀刊本兆訛突據孝

經改

田間易學

相城錢澄之撰

卷二

否九四本義而疇類三陽皆獲其福也刊本類訛離據

周易折中改

卷三

大過九五本義故其象占皆與二反刊本脫占字據周

易折中增

周易尋門餘論

國朝王宗火撰

卷上

上古樸直條與以鳥紀宮之意原本脫紀字 又如以
日月同在天上原本月同訛往月 又則是日將出
將入原本入訛出並據經義考增改

易中無字俱作无條其正色即原本易訛也據莊子改
雷之發聲條是其橫亘之一陽原本陽訛朝今改

卷下

大人條亞父南向坐原本父訛夫據史記改

易韻

國朝毛奇齡撰

卷四

天一地二條薑彙非一原本薑彙訛董藜據文選改

易小帖

翰林院檢討毛奇齡撰

卷一

坎之九五象李鼎祚易解作未光大也多一光字原本
光訛大今改

卷三

易卦數震坎艮皆七少陽原本陽訛陰 又巽離兌皆
七少陰原本陰訛陽今並改

著莖數又六六三十六合得二百一十六策原本上十
字訛百二訛一並據易傳改

卷四

大衍方位艮四坤六則四六何解原本六訛八今改

卷五

雜問乾知大始原本知大訛大生今改

周易玩辭集解

翰林院編修查慎行撰

卷一

坤初六注郭京易舉正曰刊本京訛景據文獻通考改

卷八

小過象君子以行過乎恭注正考父案正考父在春秋
前此引晁嵩山云有時舉趾高之莫敖正考父矯之
以循牆誤

周易函書約存

禮部侍郎胡煦撰

卷十一

皇極經世書小數圖第五疇之五注西七刊本七說四
據陳希夷河洛理數訣改

周易函書約注

禮部侍郎胡煦撰

卷二

坤上六文言君子敬以直內注故剝器之改敬作正刊
本敬正二字互訛今改

周易函書別集

禮部侍郎胡煦撰

卷十五

觀物紀昌學飛衛之射條得之於心而應之於手刊本
心手二字互訛據莊子改

周易孔義集說 光祿寺卿沈起元撰

卷四

豫六二啟新錢氏止則石震不能驚刊本震訛雷據像
象管見改

卷七

大畜六五敬與陸氏賢人競進世道必治刊本競訛竟
必訛不今改

卷十一

解六三紫巖張氏如淮南視公孫弘輩刊本淮訛漢據
史記改

卷十九

繫辭下傳并居其所而遷刊本遷訛避今改

周易洗心

宗人府府丞任啟運撰

原序

作為彖辭以明內外二體之大旨原本外訛卦今改

卷首上

洛書之數條乾為壬為甲原本甲訛申據八卦納甲改
由先天變後天圖案語以艮震巽離坤兌乾坎右行為
次原本脫坎字今增

卷首下

筮儀納之櫝中置之牀北原本北訛兌據朱子本義改

卷一

坤六二注坤之元能至不能大原本至訛志據彖傳改
比吉也注同體不可言應于大有小畜上下應之皆上
字絕句原本大訛有又下上字訛下今並改

卷二

同人九四注四者五之同體原本四訛三今改

豫九四注光弼一疑而羣下不復稟畏原本羣下訛神
功據唐書改

无妄六二注坤卽言學聚問辨案此係乾文言坤字誤

卷三

益九五注蓋君與民爲一體原本民訛臣今改

卷四

巽卦注三陰相爲終始原本終訛陰今改

未濟亨注示人以補救之方也原本救訛究今改

卷五

繫辭上傳夫乾其靜也專其動也直原本靜動二字互
訛據監本改

大衍之數五十注蓋周天三百六十五度原本六五二
字互訛今改

卷六

繫辭下傳夫乾天下之至健也注二陽遂爲一陰所隔

而成離之阻原本而成二字互倒今改

卷七

說卦傳坤爲地注乾爲主則坤爲衆原本衆訛聚據經
改

周易述元和惠棟撰

卷一

乾九二注下體離案離監本作離此從鄭氏易

卷二

小畜上九旣雨旣處尙得載案得諸本並作德

卷四

剝上九君子德車案德車朱子本義作得輿此從董過易

卷五

遯上九飛遂无不利案飛遂監本作肥遯此從荀九家易

卷九

觀彖傳觀盥而不觀薦案監本無下觀字此從王肅本

卷十

解彖傳无所往其來復吉案監本無无所往三字此從

李鼎祚易傳

井彖傳无喪无得往來井井案監本無此二句此從李

鼎祚易傳

卷十九

文言傳利貞者情性也案情性朱子本義依性情此從

鄭氏易

大易擇言 上元程延祥選

卷二

坤卦正義乾坤合體之物原本體訛德據孔疏改

卷六

小畜九三正義迫近于陰為所繫畜案陰下朱子本義

有而又非正應但以陰陽相說十一字

卷七

否六三存疑小人志于傷善而未能也原本善訛害據

朱子本義改

卷八

大有象傳正義故過惡揚善成物之性順天休命順物
之命原本性詛美又順天休命順物之命詛作順夫
天德休物之命據王弼注改

卷九

謙上六餘論以謙為主也原本主詛至據注疏本改

卷十四

大畜六四正義犴施橫木於牛角以防其觸原本橫詛
槓據朱子本義改

卷十六

坎六三辨正枕者枝而不安之謂案枝上注疏本有枕

字

卷二十七

震上六正義無所安親也原本親詛視據注疏改

卷三十

巽初六存疑故爲進退不果之象原本脫不果二字據
本義增

卷三十三

既濟九三正義占法與師上六同原本法詛意據本義
改

卷三十四

繫辭上傳是故剛柔相摩正義重明上文變化見矣之事案矣下孔疏有及剛柔相摩八卦相盪九字此脫

易箋

直隸大名道陳法撰

卷一

蒙六三箋胡紘之於考亭是也原本紘訛紘據宋史改

卷二

蠱上九箋而無姪直之淺節原本姪訛倖據後漢書改

卷四

巽初六箋若軍令之嚴明顛若畫一而不可犯原本顛訛覲據史記改

卷五

夫易廣矣大矣箋乾以靜專動直而大生坤以靜翕動

金匱要略卷之三
闢而廣生原本大廣二字互訛今改

卷六

夫乾天下之至健也箋象何以像之原本像訛象今改

周易辨畫

國朝連斗山撰

卷二

坤卦文言傳敬義立而德不孤注今案敬義立乃釋大字原本按訛接今改

猶未離其類也故稱血焉解陰陽離則異氣原本離訛雜據下文改

周易章句證異

國朝翟均廉撰

卷一

謙卦左傳莊叔引易原本莊訛穆據左傳改

卷二

遯上九注曹植七啟飛遯離俗原本脫啟字據文選增

旅九四注丙申詔書內引易作資斧原本丙申詔書訛

作討陳霸先檄按霸先至梁末始見梁書距宋元嘉

懸隔百年其訛誤無疑今據宋書改又案丙申詔內

但有未勞資斧一言並未引用易語此云引易作資

斧亦誤

卷三

彖上傳剛來而得中也原本來訛柔據經改



言
不
言